



09. Maj 2019

UPA 2019/61  
Aqqalu C.Jerimiassen

**Qitiusumik kiassaateqarfinnik kissarsuuteqarfinnillu Namminersorlutik Oqartussanit toqqaannangitsumik toqqaannartumilluunniit pigineqartunik atuisinnaanerup Nukissiorfinnut kingusinnerpaamik 1. januar 2020-mi tunniunneqarnissaanik qulakkeerinneqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut. Atuisinnaanerup nuunneqarnera ilutigalugu kiassaateqarfinni aningaasat uninngasuutit Nukissiorfinnut nuunneqassapput. Atuisinnaanerup nuunneqarnerani atortulersuutit aserfallatsaalineqarnissaannut pisussaaffiit atuuttut allanngortinneqassanngillat atortulersuutillu piumasaqaatit Naalakkersuisunit aalajangersarneqartut naapertorlugit aserfallatsaalineqartussaassapput.**

(Inatsisartunut ilaasortat Anders Olsen, Pele Broberg, Nikkulaat Jeremiassen, Peter Olsen aamma Justus Hansen)

Illuaniik illuanut nussuineq ilumut pisariarnersoq una siunnersuut atuarlugu eqqarsaammernarpoq. Tassami takusinnaasara malillugu qanoq aningaasatigut malitseqarsinnaanera qimerloorluaqqaarnagu siunnersuuteqartoqarsimasoq malunnarmat. Nukissiorfiit inatsisaat sukangareeqisut malitsinniarlugillu suliaqartoq nammineq kissarsuuteqarfiit tamaviisa tigugunikkit aningaasalersinnaanissaat oqimaattupilussuusinnaavoq, allaallu nammineq inatsini unioqqutillugit kinguaattoortumik aningaasaqarnermingullu ajornartoortumik ingerlalersinnaalluni.

Taamaattumik Atassummiik una siunnersuut itigartitsissutigineqarnissaa innersuupparput, illuanilli Naalakkersuisut allannguutissatut siunnersuutaat taperserlugu.